

ԱՐՁԱՆԱԳՐՈՒԹՅՈՒՆ

«ԱՅ ԶԻ ԷՅ ԻՆՎԵՍՏ» ՍՊԸ-Ի ԿՈՂՄԻՑ ԱՐՄԱՎԻՐ ՀԱՄԱՅՆՔԻ ԱՐՄԱՎԻՐ
ՔԱՂԱՔԻ ԼԵՐՄՈՆՏՈՎ ՓՈՂՈՑ 105/4 ՀԱՍՑԵՈՒՄ ԲԱԶՄԱԲՆԱԿԱՐԱՆ
ԲՆԱԿԵԼԻ ՇԵՆՔԵՐԻ ԿԱՌՈՒՑՄԱՆ ԳՈՐԾՈՒՆԵՈՒԹՅԱՆ ՎԵՐԱԲԵՐՅԱԼ
ԿԱՅԱՑԱԾ ՀԱՆՐԱՅԻՆ ԼՍՄԱՆ

2024 թվականի հուլիսի 09-ին Արմավիր համայնքի ղեկավարի տեղակալ Ֆելիքս Պետրոսյանն Արմավիրի համայնքապետարանի նիստերի դահլիճում անցկացրեց հանրային լսում՝ «ԱՅ ԶԻ ԷՅ ԻՆՎԵՍՏ» ՍՊԸ-ի կողմից Արմավիր համայնքի Արմավիր քաղաքի Լեւոնտով փողոց 105/4 հասցեում բազմաբնակարան բնակելի շենքերի կառուցման գործունեության վերաբերյալ:

Ներկա էին՝ «ԱՅ ԶԻ ԷՅ ԻՆՎԵՍՏ» ՍՊԸ-ի ներկայացուցիչներ, համայնքի բնակիչներ, ավագանու անդամներ, Արմավիրի համայնքապետարանի աշխատակիցներ:

Համայնքի ղեկավարի տեղակալը ներկայացրեց, որ հանրային լսման նպատակն է բնակչությանը ներկայացնել ծրագրի նախագիծը, ազդեցությունը շրջակա միջավայրի վրա՝ «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի (21.06.2014թ. ՀՕ-110-Ն) և ՀՀ կառավարության 19.11.2014թ. N 1325-Ն որոշմամբ սահմանված կարգի համաձայն: Նա ներկայացրեց նմանօրինակ նախագծի կարևորությունը:

Այնուհետև նախագծի ղեկավարները ներկայացրեցին նախագծային լուծումները, աշխատանքների կատարման ժամկետները: Ներկայացվեց նաև գործունեության իրականացման արդյունքում շրջակա միջավայրի վրա հնարավոր անբարենպաստ բնապահպանական և սոցիալական ազդեցությունները, ինչպես նաև դրանց նվազեցման, կանխարգելման և մեղմման ուղղված համապատասխան միջոցառումները:

Ելույթների ավարտից հետո մասնակիցներին հնարավորություն ընձեռնվեց բարձրացնել ծրագրին առնչվող իրենց հուզող հարցերը և ներկայացնել մեկնաբանություններ:

Հանրային լսման մասնակիցների կողմից հնչեցին հարցեր կանաչապատ տարածքների, նկուղների առկայության վերաբերյալ, որին ի պատասխան ծրագրի ճարտարապետը նշեց, որ տարածքի շուրջ 40 տոկոսը կանաչապատ է լինելու, իսկ ընդհանուր 4 շենքերից մեկը ունենալու է երկակի գործառնական նշանակության նկուղ:



ՀԱՄԱՅՆՔԻ ՂԵԿԱՎԱՐԻ ՏԵՂԱԿԱԼ ՖԵԼԻՔՍ ՊԵՏՐՈՍՅԱՆ

Արձանագրող ԹԱՄԱՐԱ ՇԱՌՈՅԱՆ